



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 68. Novæ Hispanorum contentiones cum summo Pontifice.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVIII quæ bona est, & boni causa initur, ac
A. C. 1718 Deo copulat (*).

Dorsann.
pag. 430.

Huic Noailii Cardinalis appellationi viginti septem Canonici (excepto Montebizeo) necnon Parisienses Parochi ductore eorum Decano nomine Hiden adhæserunt, ac die Dominica plures Parochi in suis Ecclesiis ex suggestu Noailii labores pro tuenda veritate & redanda pace exantlatos ex Quesneliano Evangelio deprædicabant, acriter declamantes contra Regulares, qui populo sinistram opinionem ingerere possent; quocirca jufferunt, ut non ad horum sed ad Parochorum sermones ad Ecclesias venirent: Proch pudor? Hæc non est vox boni Pastoris, sed circumforanei Seplasiarii.

§. LXVIII.

Novæ Hispanorum contentiones cum summo Pontifice.

Merc. Hist. Mortuo, ut memoravimus, Cardinale Emanuele Arias Archiepiscopo Hispalensi Alberonus Cardinalis ad vacantem hanc Ecclesiam a Philippo Hispaniarum Rege nominatus hujusque nominationis confirmationem
Jan. 77.
Mai. p. 470.
Dorsann.
Jour. 403.
Et 414.
Vit. Card.
Aqua. t. I.
pag. 328.

(*) S. Greg. Naz. Orat. 12. n. 36.

Sæc. XVIII.
A. C. 1718

Franciscus Cardinalis Aquaviva a summo Pontifice petere iussus erat; quoniam vero Clemens nec sese Hispanis nimis propensum, nec Cæsari minus acceptum reddere satageret, aliunde vero Alberonus non ita pridem pinguisimum Malacensem Episcopatum a Papa obtinuisset, hinc habito Purpuratorum Senatu decretum est, ut Alberonus hunc Episcopatum, cui nondum pro more renuntiaffet, adhuc per semestre tene- ret, donec aliter decideretur. Subidem ferme tempus Hispanis Siciliam invadentibus Comes de Gallas Cæsareus Orator præter alia postulata jamjam exposita a summo Pontifice imperiosus petiit, ut Cæsareis copiis ex Mediolanensi Ducatu per ditiones Pontificias Neapolin versus liber transitus atque alimenta concederentur, Alberonus vero censuris plecteretur, eique Apostolicæ confirmationis literæ denegarentur. Inter arcta prehensus Pontifex, ut Cæsarem placaret, quædam ex his petitis eidem concessit, ne vero Hispaniæ Regem offenderet, confirmationis diploma expediri annuit, ea tamen lege, ut prius Turiaffonensis, Ausonensis in Catalonia Episcopi, & Saffariensis Archipræsul in Sardinia Cæsaris partibus adiectissimi ac propterea ab Hispanis exilio mulctatis suis Ecclesiis redderentur:

Hist. Eccles. Tom. LXIX. Bbb Ve-

Sæc. XVIII. Verum Hispaniæ Rex condiciones sibi
 A. C. 1718. præscribi minime assuetus, extrema
 quæque adhibere statuit: Ejus igitur
 jussu Cardinalis Aquaviva die decima
 sexta Martii Romam delatus, ad Pon-
 tificis alloquium admitti petiit, quo non
 statim concesso vehementer questus,
 Pauluccium Cardinalem adiit, eidem
 exponens, quod Regis sui nomine pe-
 tere jussus esset, ut Pontifex Urbis ve-
 teris & Anconæ portus Hispanis na-
 vibus apertos permitteret, ac deinceps
 cunctis Ecclesiasticis a Pontifice, ejus-
 que Dataria Apostolicas literas pro Be-
 neficiis acceptare vetitum, proin ejus-
 modi diploma pro Alberono sollicitare
 supervacaneum esset: His expositis Car-
 dinalis Aquaviva summam indignatio-
 nem simulans, Albanum secessit, inde
 vero paulopost Romam reversus, rursus
 cum Pontifice collidebatur, occasio
 inde nata; cum enim Romani Guber-
 natoris jussu satellites numero circiter
 nonaginta quemdam Dulciarum Patis-
 rem prope Cardinalis Palatium non
 capturi omnes plateæ aditus interce-
 derent, casu quidam ex ejusdem Car-
 dinalis famulitio crapula impotens de-
 mum reversurus in quemdam satellitem
 fortius impegit, eumque verbis lace-
 sivit: quocirca eum satellites secum ab-
 strahentes custodiæ dederunt: quo com-
 perti

Sæc. XVII.
A. C. 1718.

perto Cardinalis mox Papam adiit, sibi-
 que ob læsam Palatii sui, Hispanique
 Oratoris immunitatem satisfieri petiit:
 Equidem Pontifex confestim captum in
 libertatem asseri præcepit, nec his ta-
 men contentus Cardinalis, minitaba-
 tur, ampliorem satisfactionem a Rege
 suo sumendam, arboresque ex Sylva,
 quæ Gubernatoris esset, in tantæ im-
 pudentiæ pœnam, pro navigiis Hispanis
 interim cædendas: Nullum non move-
 bant lapidem Gualtierius, Tremollius,
 & Ottobonus Cardinales, ut offensum
 Aquavivam placarent, crebras etiam
 inter se habebant consultationes, ut no-
 vas inde orituras offensiones præpedi-
 rent. Aquaviva tamen, qui tantoperè
 Pontifici indignabatur, ut palam pro-
 fiteretur, quod Regis sui injuriam vin-
 dicaturus, insuperhabita Purpura in-
 ditiones Pontificias cum Hispana clade
 irrumpere paratissimus foret, Palatium
 suum, in quo se haud ultra securum
 fingeat, armatis Viris natione Hispani-
 nis firmari curavit, a quibus non raro
 prætereuntes ac præcipue Romani sa-
 tellites fustibus excepti, sæpe vicissim
 de Hispanorum tergis egregie dedola-
 tis sibi satisfecerunt: Enimvero vehe-
 menter querente summo Pontifice Car-
 dinalis a violentis ejusmodi hostilitati-
 bus abstinere jubebatur, simul tamen

Bbb 2

Men-

Sæc. XVIII. Mense Junio Regium affixit mandatum,
A. C. 1718. vi cuius Aldobrandinus Papæ Nuntius
 e Regno abire, cunctique Natione Hi-
 spani Roma sine mora excedere, om-
 nesque cum Dataria, aut alio Tribu-
 nali Romano commercium habere, sub
 pœna proscriptionis omnium bonorum
 dignitatum & officiorum jactura etiam
 ad eorum affines extensa prohibiti sunt:
 Quantumvis hujus mandati severitas
 quamplurimis, qui ex Pontificis rera-
 rio commode vivebant, præcipue pau-
 peribus Hispanis permolesta esset, ni-
 hilominus jam die quarta Junii Nobi-
 les Hispani ac ipsemet Cardinalis ejus-
 que Nepos necnon Protocarerus Abbas
 ad Portum Longonem secesserunt; quo-
 rum exemplum plusquam quatuor va-
 riæ conditionis millia sequebantur,
 relictis nonnisi viginti duobus Hispanis
 Ecclesiasticis, qui Ecclesiæ S. Jacobi
 servire jussi erant.

Interim Hannoverana & Onolsba-
 censis Legiones equestres, & ductus
 Comite de Odwir pedites in ditionem
 Pontificiam penetrarunt, ac præce-
 quam quod ab incolis graves admi-
 dum exactiones extorsissent, novam
 super molestiam Pontifici crearunt; cum
 enim quidam Pontificius miles ad præ-
 mæ Onolsbacensis centuriæ aspectum
 improvide dixisset. *Ecce! tandem*

veniunt ARCHIDUCIS *Austricæ Moriones*, Sæc. XVIII.
 audito hoc convitio hujus Legionis Tri- A. C. 1718.
 bunus loci Governatorem summo Pon-
 tifici affinem moneri curavit, ut pro-
 tertiviam hujus militis severe plecteret;
 eo autem respondente, quod cuilibet
 privato os obstruere haud posset, Tri-
 bunus inexpectato hoc responso offen-
 sus cum quadraginta militibus ipsum
 Governatorem accessit, & denuo mi-
 litem castigari postulavit: Hic vero huic
 petito satisfacere negligens, insuper
 ipsum Imperatorem pariter nonnisi *Ar-
 chiducem* nominabat: unde Tribunus in-
 rabiem actus Governatorem centum ver-
 beribus male multari jussit. De hac
 injuria suo Governatori illata Pontifex
 per Georgium Spinolam Nuntium suum
 Viennensem acerbe apud Imperatorem
 querebatur, cui tamen Cæsar respon-
 dit, Governatore contemptæ legioni
 satisfacere recusante, ipsumque Cæsa-
 rem cum vilipensione nonnisi *Archidu-
 cem* appellante, vicissim Sanctitas sua
 satisfactionem a solo *Archiduce* peteret.

§. LXIX.

*Tumultus in Cadurcensi Universitate
 excitati.*

Jam anno priori Cadurcensis Episco- *Dorsawm.*
 pus Regni Regentem supplex adiit, *Journ.*
 Bbb 3 ut *pag. 405.*